



Swansea
University
Prifysgol
Abertawe

Population Data Science
Faculty of Medicine, Health & Life Science
Gwyddor Data Poblogaeth
Y Gyfadrn Meddygaeth, Gwyddor Iechyd a Bywyd

GWYDDOR DATA POBLOGAETH RHAGLEN INTERNIAETHAU'R HAF 2026

Dechreuwch eich gyrfa mewn gwyddor data!



Ynglŷn â'n tîm arobryn

Pwy ydym ni

Mae [Gwyddor Data Poblogaeth ym Mhrifysgol Abertawe](#) yn ganolfan ymchwil arloesol sydd wedi'i lleoli yn Ysgol Feddygol Prifysgol Abertawe, y Cyfadran Meddygaeth, Iechyd a Gwyddor Bywyd. Mae'n arbenigo mewn dadansoddi data o ffynonellau data iechyd, cymdeithasol a ffynonellau data gweinyddol eraill a'u cysylltu'n ddiogel.



RYDYN NI'N ARLOESI GWYDDOR DATA POBLOGAETH

Beth rydym yn ei wneud

Mae ein tîm arobryn yn canolbwyntio ar ddarparu seilwaith technoleg o safon fyd-eang i fynd i'r afael â rhai o'r heriau mwyaf sy'n wynebu cymdeithas heddiw a galluogi cyfleoedd - gan greu ecosystem ymchwil fyd-eang sydd â'r potensial i gael effaith addysgol, amgylcheddol, economaidd a chymdeithasol.

Ein prosiectau ymchwil

Mae ein tîm yn ymwneud ag amrywiaeth o [brosiectau a rhaglenni ymchwil](#), gan gynnal sgiliau methodolegol a chymhwysol gwahanol ar draws nifer o ddisgyblaethau i gefnogi a chyflawni ein harloesiadau blaenllaw. Mae'r sgiliau hyn yn cynnwys, ond nid ydynt wedi'u cyfyngu i, ddatblygu meddalwedd, datblygu a rheoli cronfeydd data, epidemioleg, ystadegau, cloddio data, delweddu data, datblygu'r we, rheoli prosiectau, ymgysylltu â chleifion, y cyhoedd a rhanddeiliaid, a Systemau Gwybodaeth Ddaearyddol.



**Adeilad
Gwyddor
Data**

**Prifysgol
Abertawe**

Pam dylech chi wneud cais i'n rhaglen interniaethau?

- 1 **Cael profiad gwaith** gyda thîm arobryn sydd ar flaen y gad o ran ymchwil gwyddor data poblogaeth byd-eang.
- 2 **Datblygu sgiliau newydd** gyda dadansoddi data byd go iawn i ddatblygu a chymhwyso eich sgiliau yn yr amgylchedd hynod ddiogel a mwyaf modern hwn.
- 3 **Archwilio llwybr gyrfa** mewn Gwyddor Data Poblogaeth a dysgu beth sy'n gweddu orau i chi.
- 4 **Magu hyder gyda'n** rhaglen interniaethau. Mae'n ffordd berffaith i'ch helpu i fagu profiad yn pontio o'r brifysgol i gyflogaeth amser llawn. Gallwch gael mewnwelediadau a gwybodaeth werthfawr, cymryd rhan mewn cyfarfodydd, a chyflawni tasgau penodedig mewn lleoliad go iawn.
- 5 **Rhwydweithio a gweithio ochr yn ochr â thîm o weithwyr proffesiynol** hynod fedrus, yn cynnwys eich goruchwylwyr a mentoriaid byddwch yn cyfarfod â nhw yn ystod eich interniaeth, sy'n gallu bod yn gyfeiriadau gwerthfawr wrth i chi ddilyn swydd amser llawn.
- 6 **Creu CV cryf** fel eich bod ar y blaen â'r interniaeth.
- 7 Mae rhai interniaid wedi dod yn **gyflogeion amser llawn**: llwyddodd Kellie Robinson a Rowan Dash o'n carfan interniaid 2023, i sicrhau swyddi amser llawn yn y tîm SERP mewn Gwyddor Data Poblogaeth ar ôl eu hinterniaethau. [Dysgwch fwy am eu taith yma.](#)
- 8 **Cyflogaeth â dâl am 12 wythnos**, gan gynnwys hawl i wyliau blynyddol.
- 9 Mae'r rhaglen yn gorffen â'r **Digwyddiad Arddangos** gyda chyfle i interniaid gyflwyno'u prosiectau. [Gwylwch yr uchafbwyntiau o'r digwyddiad Arddangos y llynedd yn y fideo hwn.](#)

Gwnewch gais nawr!

Daliwch ati i sgrolio i weld cyfleoedd y prosiect!



Interniaethau Gwyddor Data Poblogaeth

Prosiect 7

Teitl: Piblinellau cyn-brosesu awtomataidd ar gyfer data iechyd tablaidd amlfoddol mewn ymchwil dysgu peirianyddol



Crynodeb: Yn aml, mae ymchwil data iechyd yn cynnwys setiau data tablaidd mawr a chymhleth sy'n cynnwys gwybodaeth glinigol, cofnodion demograffig a data iechyd strwythured arall. Mae'r data hwn yn aml yn anniben ac yn anghyson, gyda heriau fel gwerthoedd coll, mathau data cymysg, codio ansafonol a gwallau mewnbynnu data. Mae paratoi data mor heterogenaidd ar gyfer llifoedd gwaith dysgu peirianyddol yn llafurus, yn anodd ei safoni ac yn anodd ei atgynhyrchu ar draws prosiectau.

Bydd yr interniaeth hon yn canolbwyntio ar ddylunio a gweithredu piblinell awtomataidd ar gyfer cyn-brosesu setiau data iechyd tablaidd. Diben y prosiect yw datblygu offeryn dibynadwy y gellir ei ailddefnyddio sy'n symleiddio paratoi data trwy ymdrin ag ystod o fathau o ddata, gan gynnwys data rhifiadol, testun rhydd, categorïaidd a chyfres amser, a chymhwyso camau trawsnewid cyson sydd wedi'u dogfennu'n dda. Bydd y biblinell sy'n deillio o hyd yn lleihau ymdrech â llaw, yn lleihau gwallau ac yn sicrhau bod setiau data iechyd tablaidd yn barod ar gyfer dysgu peirianyddol mewn modd cyson y gellir ei atgynhyrchu, gan gefnogi astudiaethau dementia ac iechyd y boblogaeth a gynhelir mewn amgylcheddau ymchwil dibynadwy yn uniongyrchol.

Canlyniad erbyn diwedd 12 wythnos

- Datblygu piblinell cyn-brosesu fodiwlaid, awtomataidd ar gyfer setiau data iechyd tablaidd heterogenaidd.
- Rhoi camau ar waith sy'n cefnogi newidynnau rhifiadol, categorïaidd, testun a chyfres amser.
- Llunio dogfennaeth glir a chanllawiau defnyddwyr i gynorthwyo i ddefnyddio ac addasu'r biblinell yn y dyfodol.
- Cael profiad o lifoedd gwaith glanhau data go iawn a thechnegau paratoi ar gyfer dysgu peirianyddol.
- Cyfrannu cod cynaliadwy y gellir ei ailddefnyddio mewn prosiectau ymchwil yn y dyfodol.

Sgiliau / cefndir addas

Hanfodol

- Profiad â rhaglennu Python.
- Diddordeb neu gefndir mewn gwyddor data o'r dechrau i'r diwedd.
- Yn gyfarwydd â chysyniadau dysgu peirianyddol sylfaenol.

Dymunol

- Profiad â setiau data gofal iechyd neu ar lefel y boblogaeth.

Y canolfannau sy'n cefnogi'r rhaglen eleni

Banc Data SAIL



Mae **Banc Data SAIL** yn hafan ddiogel ar gyfer biliynau o gofnodion pobl, sy'n galluogi ymchwilwyr i ateb cwestiynau pwysig er budd cymdeithas. Gall ymchwilwyr gael mynediad at ystod eang o ddata a gesglir yn rheolaidd sy'n rhychwantu hyd at 30 mlynedd o boblogaeth gyfan.

Mae Banc Data SAIL yn cyflawni hyn trwy gydweithio â gwarcheidwaid data, academyddion, rheoleiddwyr, aelodau o'r cyhoedd, ymarferwyr, a llunwyr polisi o Gymru, ledled y DU, ac yn rhyngwladol.

Mae Banc Data SAIL yn dal data wedi'i ddad-nodi ar ffurf gysylltadwy, ac ar ôl mwy o ddiogelu, yn trefnu bod data dethol ar gael i'w ddadansoddi mewn ffurf ddienw. Gall ymchwilwyr cymeradwy gael mynediad at y data o bell yn unrhyw le yn y byd, ynghyd ag offer dadansoddi. Can fod y data y ceir mynediad ato ar gyfer ymchwil yn ddienw, caiff y gwaith ei wneud heb i ymchwilwyr wybod pwy yw'r unigolion a gynrychiolir.

SeRP



Y Platfform e-Ymchwil Diogel (SeRP) yw'r ateb cyflawn y gellir ei addasu ar gyfer rhannu data, cysylltu a dadansoddi mewn amgylchedd diogel, saff a rheoledig sydd wedi'i achredu i'r safon ryngwladol uchaf. Mae'n gwneud hyn mewn amgylchedd wedi'i lywodraethu gan alluogi perchnogion data i barhau i gael rheolaeth lawn bob amser.

SeRP yw'r ateb perffaith ar gyfer unrhyw sefydliad sydd wedi cronni swm mawr o ddata, sy'n bwriadu rhannu'r data hwnnw at ddibenion ymchwil a budd hirdymor i gymdeithas, ac sydd eisiau gwneud hynny yn y ffordd fwyaf saff a diogel i leihau risgiau cysylltiedig. Gall SeRP fod o fudd i sectorau, gan gynnwys gofal iechyd, llywodraethau, ymchwil academiaidd, diwydiant, elusennau a sefydliadau di-elw.

I gael mwy o wybodaeth am fuddion SeRP, edrychwch ar [Buddion SeRP](#)

Y canolfannau sy'n cefnogi'r rhaglen eleni

YDG Cymru



Mae **YDG Cymru (Ymchwil Data Gweinyddol Cymru)** yn uno arbenigwyr ym mhob maes o'r Gwyddor Data Poblogaeth ym Mhrifysgol Abertawe a Sefydliad Ymchwil Cymdeithasol ac Economaidd a Data Cymru (WISERD) ym Mhrifysgol Caerdydd gydag ystadegwyr, economegwyr ac ymchwilwyr cymdeithasol o Lywodraeth Cymru.

Mae'r bartneriaeth mewn sefyllfa ddelfrydol i uchafu'r defnydd o ddata dienw a diogel i ffurfio cyflenwi gwasanaethau cyhoeddus, a fydd yn gwella bywydau pobl Cymru yn y pen draw. Mae'r gwaith sy'n cael ei wneud gan dîm YDG Cymru yn cwmpasu meysydd fel y blynyddoedd cynnar, addysg, sgiliau a chyflogadwyedd, iechyd a lles, tai a digartrefedd, gofal cymdeithasol, iechyd meddwl, cyfiawnder cymdeithasol, newid yn yr hinsawdd a heriau cymdeithasol mawr.

Platform Dementia y DU



**Dementias
Platform UK**

Mae **Dementias Platform UK Data Portal** yn dod â chofnodion dros 3 miliwn o bobl at ei gilydd mewn adnodd y ceir mynediad am ddim ato.

Gall ymchwilwyr ddefnyddio'r porth i nodi pa garfanau sy'n berthnasol iddynt, gwneud cais i gael mynediad at y data ac wedyn ei ddadansoddi mewn amgylchedd diogel, o bell, ynghyd â phecynnau cysylltu a dadansoddi data.

Mae'r porth yn dod â'r cofnodion at ei gilydd, yn sicrhau eu bod yn ddiogel, yn cefnogi astudiaethau cysylltu data gan ddefnyddio data ffenotypig, genomig, a delweddu, ac yn trefnu eu bod ar gael yn hawdd er budd academia, diwydiant, rheoleiddwyr, darparwyr gofal iechyd, cleifion a'r cyhoedd.

GWNEWCH GAIS NAWR!

I gael mwy o wybodaeth am

Raglen Interniaethau'r Haf

Ewch i'n gwefan



Dilynwch ni



@popdatasci_su



@PopDataSci_SU



@popdatascisu.bsky.social



Population Data Science
at Swansea University